

5

Өнер –
өркениет
өлшемі

6

Жүрекке жүк
жиғандай
қазынасы

Сыр бойы

23 наурыз, сенбі 2024 жыл



№ 45-46 (20719-20720)

Қызылорда облыстық қоғамдық-саяси газет. 1929 жылдың 1 шілдесінен шығады

www.facebook.com/syrboyi.kz/www.instagram.com/syrboyi_kz[Lme/syrboyi_kz](https://t.me/syrboyi_kz)<https://twitter.com/syrboyi>

Құндылықтар тоғысқан көктем мерекесі

Алматы қаласына жұмыс сапарымен барған Қасым-Жомарт Тоқаев «Астана» алаңында өтіп жатқан мерекелік іс-шарада Қазақстан халқының Ұлыстың ұлы күнімен құттықтады.

Мемлекет басшысы өз сөзінде төл жаңа жылымыз Наурыз мейрамын ата дәстүрімізге сәйкес барша жұртымыздың бір ел, бір халық болып қарсы алатыны жөнінде айтты.

– Бабаларымыз ежелгі заманнан бері Ұлыс күнін жыл басы ретінде атап өткен. Қазір Өз Наурыз күллі халыққа ортақ жалпыұлттық мерекеге айналды. Оны ұлттың, дініне қарамастан барша жұртымыз ерекше күтеді, бірге атап өтеді. Дана халқымыз «Жақсы сөз – жарым ырыс» деп бекер айтпаған. Жаңа жылды жақсы ниетпен, пайдалы іспен бастау – талайдан қалыптасқан дәстүр. Бұл күні қонақжай жұртымыз ақ дастарқан жайып, бір-біріне ақ-жарма тілектерін айтады. Бұлақтың көзін ашып, тал егеді, тазалыққа баса мән береді. Наурыз мерекесінде халқымыздың асыл қасиеттері мен құндылықтары түгел көрініс тапқан. Биыл Ұлыстың ұлы күні Рамазан айымен тұспа-тұс келіп отыр. Қазақ жеріндегі дін мен дәстүрдің үйлесімі дәл осы кезде айқын көрінеді, – деді Қасым-Жомарт Тоқаев.

Президент биылдан бастап Наурыз мейрамы 10 күн бойы аталып өтіп



жатқанына тоқталды. Наурызанамаға сәйкес, 21 наурыз елімізде «Ынтымақ» күні.

– Бірлік пен ынтымақ – еліміздің басты құндылықтарының бірі. Біз жанашырлық, тілеуестік сияқты асыл қасиеттерді дәріптеуіміз қажет. Еліміздің бірлігі мен татулығы әрдайым бекем болса, елдігіміздің тұғыры мәңгі болады. Мен бұған кәміл сенемін, – деді Мемлекет басшысы.

Қасым-Жомарт Тоқаев жаңару мен жаңғырудың символына айналған Наурыз мейрамы биыл қоғам дамуының жаңа кезеңіне кадам басқанымызды білдіретінін атап өтіп, барлық азаматтың жүрегінен орын алатын іргелі құндылықтардың айқындалғанына назар аударды.

– Еліміздің алдында биік мақсат тұр. Бұл – Әділетті Қазақстанды құру. Біз адал еңбек етіп, адал табысқа жете алатын әділ қоғам орнатуымыз керек. Мұндай қоғамды адал азаматтар қалыптастырады. Бір сөзбен айтсақ, әділдік пен адалдық – әрдайым қатар жүретін егіз ұғым. Сондықтан біз құрып жатқан қоғамда баршаға бірдей мүмкіндік беріледі. Әділетті мемлекет – бұл заң мен тәртіп үстемдігі. Озық мемлекет болу үшін бәріміз тек жарқын болашаққа сеніммен қарауымыз керек. Біздің үмітіміз – жастар. Қазақстанның келешегі сіздердің қолдарыңызда. Белсенді, санасы сергек, ойы ұшқыр, адал, көзі ашық жастарға біз әрдайым қолдау көрсетеміз, – деді Президент.

2-бет



Облыс әкімі
Нұрлыбек
Нәлібаевтың
мерекелік
құттықтауы

Ардақты ағайын!

Құрметті жерлестер!

Сіздерді тіршілік атаулыға үлкен серпін берген көктемнің мерекесі, жаңарудың, берекенің бастауы – Наурыз мейрамымен шын жүректен құттықтаймын!

Халқымыздың күн мен түн тенеліп, тіршілік түлеген шақты Ұлыстың ұлы күні деп атауында терең мән бар.

Бұл мерекеді жаңғырған Ұлы дала ұлағаты мен ата-бабаларымыздың дәстүрлері бүгінде бірлік пен татулық тұғырын нығайтуға қызмет етуде.

Наурыз мейрамы – бұл дәстүрдің мерекесі, еңбектің мерекесі. Табиғат жаңаша түрленген сәтте адамдар да айналаға ізгі амалдарын жасап, егін егеді, бұлақтың көзін ашады, қайырымдылық танытады. Міне, осының барлығы да Наурызбен тікелей байланысты. Наурыз – жер-жаһанның жаңаруы, ой-сананың кемелдену кезеңіне саналатыны да осы себепті болса керек-ті.

Мемлекет басшысы Қасым-Жомарт Кемелұлы жыл басында «Егемен Қазақстан» газетіне берген сұхбатында: «Өз Наурыз – тіршілікті түлете келетін нағыз табиғи жыл басы. Наурыз – жаңару мен жаңғырудың символы. Сондықтан төл мерекеміздің мазмұнын байытып, оны барынша ерекшелеп, жаңаша атап өтуіміз керек. Бұл кадам қоғамды ұйыстырып, ұлттық бірегейлігімізді айшықтап, ел бірлігін нығайта түсуге ықпал етеді деп сенемін» деген болатын. Осылайша биылғы Наурызды Амал мерекесінен бастап, Наурызанама онкүндігі аясында ерекше атап өтудеміз. Он күн бойы дәріптелетін адалдық, ізгілік пен қайырымдылық, мейірім мен жанашырлық сияқты құндылықтар Әділетті Қазақстан қағидаларымен толық үндеседі. Жас ұрпақ Наурызанама он күндігінде ұлықталатын осындай жақсы дағды мен асыл қасиеттерді бойына сіңіріп өсері анық.

Наурыз мейрамы – халқымызға құт-берекесімен, ырыс-ынтымағымен келсін!

Ұлыстың ұлы күні игі тілектеріңіз қабыл болып, әр отбасына бақыт пен береке сыйласын!

Ұлыс оң болсын, ақ мол болсын! Әр шаңыраққа Қыдыр қонып, бақ дарысын!

/// 22 НАУРЫЗ – ЖЫЛ БАСЫ

Бейнесі көркем, рухы биік Наурыз



Наурыз – қазақ халқымен қашаннан бірге жасасып келе жатқан жыл бастауы, күн мен түннің теңесуі, молшылық, ынтымақ мерекесі. 1920 жылы 20-наурызда Түркістан республикасы Кеңестері атқару комитетінің төрағасы Т.Рүсқұловтың Наурыз мерекесін тойлау жайлы бұйрығы жарық көрген болатын. Ал 1926 жылы Кеңес өкіметі бүкіл жұрттың рухын біріктіретін бұл мерекеге тыйым салды. Араға 62 жыл салып, 1988 жылы саяси жүйенің осал тұсын ұлт игілігіне пайдалана білген қазақ зиялылары Наурызды қайта тойлауға рұқсат алды. Ал 1991 жылы 15-наурызда ҚР Президентінің 22-наурыз күнін Наурыз мейрамы деп жариялау туралы Жарлығы шықты.

3-бет

/// НАЗАР

Қала статусы: көркейер мекен көбейе ме?

Ұлттық экономика министрлігі еліміздегі қалаға айналуы мүмкін ауылдардың тізімін жария етті. 18 ауылдың тізімінде Қызылорданың Жаңақорған, Шиелі және Өйтеке би кенті бар. Әрине, бұл аталғандар тап қазірден бастап қала статусын алғалы тұрған жоқ, әйтсе де қол жеткізуге жақын екенін байқатады. Егер осы болжам іске асқан жағдайда тұрғындар үшін қандай жақсылығы болмақ?

2-бет

Валюта бағамы

\$ 451,27 kzt

€ 489,13 kzt

₽ 4,87 kzt

Ауа райы



+14° +6°



+15° +7°

Наурыз

Биылғы жылы Ел Президенті Қасым-Жомарт Тоқаев: «Наурыз – жаңару мен жаңғырудың символы. Сондықтан төл мерекеміздің мазмұнын байытып, оны барынша ерекшелеп, жаңаша атап өтуіміз керек.

Бұл кадам қоғамды ұйыстырып, ұлттық бірегейлігімізді айшықтап, ел бірлігін нығайта түсуге ықпал етеді деп сенемін» деп атап көрсетті.

Мемлекет басшысы ерекше мән берген Ұлы жылындағы Ұлыстың ұлы күні елімізде жаңаша бастау алды. Осыған байланысты арнайы тұжырымдама қабылданып, әр күнге атау берілді.

Көрісу күнімен басталған мизам шуақты мерекені жұртшылық – «Қайырымдылық», «Ұлттық салт-дәстүр күні», «Шаңырақ», «Ұлттық киім күні»,



Суреттерді түсіргендер Б.Есжанов, Н.Нұржаубай



95-ке толарда...

Президент пәрмен бергеннен көп ұзамай қолымызға Наурыз мейрамын атап өтудің жаңа тұжырымдамасы тиді. Соның алғашқы қанатқақты бетінде Абай мен Мәшһүр Жүсіп Көпейұлының бір-бір ауыз түйін сөзі таңбаланған екен.

Ұлы Абай: «Ол күнде Наурыз деген бір жазғытұрым мейрам болып, Наурызнама қыламыз деп, той-тамаша қылады екен. Сол күнін «Ұлыстың ұлы күні» дейді екен десе, ойшыл Мәшһүр Жүсіп:

«Қазақтың қазақ болғанда өзіне арналған, сыбағасына тиген жалғыз мейрамы – Наурызнама... Қайда атақты, асқан бай бар болса, Наурызнаманы сол байға қылдырады екен. Сегіз күн ұдайымен көл астына қараған жұртқа той, тамаша береді екен» – дейді.

Ескіден жеткен екі ауыз сөздің тұжырымдамаға тірек болуы тегін емес. Мұның астарында Тәуелсіз елдің тілеуі, онан қалды табиғатпен саналы түрде үндесе алу үрдісі бар.

Бәрі де жаңарып жатыр. Наурызнама аясында он күннің олжасы толығын, әрбір күнге ұлт дәстүрін ұлықтайтын атау беріліп, қазақтың ескі де жаңа әдеп-ғұрпы жаңғырып жатыр.

Аргысын айта алмаймын, бірақ биыл жарық көргеніне 1-ші шілдеде 95 жыл толатын «Сыр бойы» газеті өз тарихында осы Бүгінгі Ұлыс күнін насихаттауда ұлтқа тән ұстанымы нық ұнпарақ болғанына ешкімнің дауы жоқ. Жаңарудың Жыл басынан, яки, өз Наурыздың биыл ерекше екіпінмен салтанат түзуінен біз де жігер алып, бөркімізді (газеттің атау-айдары) бір қолдап қоюды жөн санадық. Бұл сіре, шілдеге дейін шыдамағандық емес, Жыл басымен бірге 95-ке қадам басқандықтың белгісі деп білерсіз.

Өңірлік баспаны тарихы ғасырдан асқан, елге түгел тарайтын «Егеменмен» еншілестіруге болмайды. Әйтсе де, деректер сөйлегенде алды 100 жылдан асқан облыстық газеттер сапында «Сыр бойының» жалпы жарыққа шығу саны артық болмаса, ешбірінен кем түспейді. Ғасырға бір кадам жолда өңірдің аға басылымы елдің сөзін сөйледі, барына қуанды, жоғына жасыды, рухани қолдаушысына айналып, тарихын таңбалады. Бәрінен бұрын «қазір осы газеттің қажеті қанша?» дейтін базбір сыңаржақ көзқарастағыларға тосқауыл болатын парасатты оқырманның ықыласы.

Биыл газеттің мерейтойы қарсаңында БАҚ өкілдері арасында шығармашылық байқау, спорттық жарыстар, аудандарда оқырмандармен кездесулер өткізу жоспарда бар.

Оның бастауы Ұлыстың ұлы күнінде газет жүзінен желкен көтерсе деген игі мақсат еді...

Қуат ШАРАБИДИНОВ, «Сыр бойы»

Бейнесі көркем, рухы биік Наурыз



бағытталған, – деді Нұрлыбек Машбекұлы.

Сонымен бірге облыс басшысы қызылордалықтарға Сыр еліндегі серпінді істердің нәтижесін көрсететін акжолтай жаңалықтарды жеткізді.

– Соңғы жылдары мақсатты бастамалар қолға алынып, аймағымыз қарқынды даму алаңына айналуда. Экономиканың барлық салаларында өсім бар.

орталықтандырылған ауызсумен қамтылған. Биыл осы бағытта 5,4 млрд теңгенің ауқымды 14 жобасы жүзеге асырылады.

2025 жылға қарай облыс тұрғындарын 100 пайыз ауызсумен қамтамасыз етеміз. Өңір тұрғындарының 75 пайызы «көгілдір отын» игілігін көруде.

4 млрд теңгеге аймағымыздағы 12 елді мекенді газға қосып, жыл соңына дейін газбен қамту көрсеткішінің 78 пайызына жеткіземіз.

Мерейлі мереке аясында Шнелі ауданында екі ауыл «көгілдір отынға» қосылды.



«Жаңару күні», «Ұлттық спорт күні», «Ынтымақ күні» секілді атауларға сай мерекеледі.

Ал «Жыл басы» деп аталған 22-наурыз жердің жүзін ақ жауынмен жуып, жылы шуағын төгіп келді. Осы күнгі өз Наурыз Кызылорда қаласында ерекше бейнеде аталып өтті.

Қала орталығынан биыл бой көтеріп, жақында пайдалануға берілген «Өнер орталығының» қас бетіндегі көшеге тұтас бір қазақ ауылы көшіп келгендей. Қаз-қатар тізілген сауда қызып, ән қалқып, күй шалқып жатыр. Облыстық музей, архив, мәдениет мекемелері тіккен киіз үйлердің іші көз жауын алады.

Осы бір оябы бөлек, келбеті ерек мереке төрінде облыс әкімі Н.Нәлібаев халықты Жыл басымен құттықтап, сөз сөйлеп, биылғы наурыздың айрықша маңызын ашты.

– Өз Наурыздың мәртебесін көтеру, мән-мазмұнын байыту бастамасы жақында Атырау қаласында өткен Ұлттық құрылтайда Мемлекет басшысы тарапынан кеңінен ашыла түсті.

Президентіміздің бастамасымен биылғы Наурыз мейрамы 10 күн бойы мерекеленуде. Бұл онкүндік төл мерекемізді тойлаудың жаңа дәстүрлерін қалыптастыруға, озық адами қасиеттерді – қайырымдылықты, шынайылықты, адалдық пен мейірімділікті дәріптеуге

1-бет

Қаңтар-ақпан айларындағы әлеуметтік-экономикалық даму көрсеткіштері бойынша өңірлер арасында алғашқы орынды иелендік.

Осыдан бір жарым жыл бұрын облыс бюджеті 387 млрд теңгені құраған болатын. Биылғы жылы өңірдің бюджеті 650 млрд теңгеге бекітілді.

Бұл ауқымды қаражат халықтың ең өзекті деген мәселелерін шешуге, өмір сүру сапасын арттыруға бағытталуда.

Сырбойлықтардың 98,4 пайызы

Аймағымызда 5 млрд теңгеге жуық қаржыға 225 шақырым электр желісі мен 50 қосалқы станция орнатылады. 27 млрд теңгеден астам қаржыға ұзындығы 247 шақырымды құрайтын жолдар жөндеуден өтеді. Жыл соңына дейін жақсы жағдайдағы жолдардың үлесі 90 пайыздан асады.

Өңіріміз күн санап көркейіп, ажарын айшықтайтын зәулім ғимараттар, тұрғын үйлер бой көтеруде.

Биыл бюджет қаражаты есебінен

Қармақшыдағы салтанат сәні

Бейсенбіде облыс әкімі Нұрлыбек Нәлібаевтың қатысуымен Қармақшы ауданында «Өз Наурыз – игіліктер бастауы» атты мерекелік шара өтті. Жиынға ауыл тұрғындары, аймақ ардагерлері қатысты.

Жосалы кентінің орталық алаңында ұлттық қолөнер бұйымдары көрмесі қойылып, ұлттық ойындардан сайыстар ұйымдастырылды. Салт-дәстүр қойылымдар арқылы жаңғырды. Іс-шара қонақтары бүлдіршіндердің тұсауын кесіп, игі тілек айтты.



Аймақ басшысы жиналған қауымды, ауыл тұрғындарын Наурыз мерекесімен құттықтап, атқарылған жұмыстарға тоқталды.

– Сұлу Сырдың жағасы күн санап көркейіп, ажарын айшықтайтын зәулім ғимараттар, тұрғын үйлер бой көтеруде. Мереке қарсаңында 220-ға жуық отбасы жаңа баспанаға ие болды. Мемлекет басшысының

бастамасымен қолға алынған «Жайлы мектеп» ұлттық жобасы аясында өңірде биыл 10 мектеп ел игілігіне табысталады. Тағы 11 мектептің құрылысы басталады. Соның ішінде 2 жайлы мектеп Қармақшы ауданында салынады. Облыс орталығында «Шығармашылық академиясы», екі ауданда «Оқушылар үйі» мен «Өнер мектептерінің» құрылысы жүргізіледі. Қызылорда

қаласында 36 млрд 400 млн теңгеге 100 келушіге арналған емханасы және онкологиялық бөлімшесі бар 300 орындық көпбейінді аурухананың құрылысы басталды. Құны 2 млрд 900 млн теңгені құрайтын «Қан орталығы» Медицина қызметкерлері күні қарсаңында пайдалануға беріледі. «Ауылдық денсаулық сақтауды жаңғырту» ұлттық жобасы аясында өткен жылы елді мекендерде 16 дәрігерлік амбулатория ел игілігіне табысталды. Соның үшеуі осы ауданның Тұрмағамбет, «Ақжар», Дүр Онғар ауылдарында салынды. Қазір жаңа медициналық нысандарға 7 мыңнан астам тұрғын тіркелген. Биыл дәл осындай 11 нысанның құрылысы жалғасып, «Қармақшы» және «Қуандария» ауылдарында 2 фельдшерлік-акушерлік бекет салынып, жыл соңына дейін ел игілігіне табысталады, – деді Нұрлыбек Нәлібаев.

Мерекелік жиында Қармақшы ауданының дамуына үлес қосқан белсенді азаматтар облыс әкімінің Алғыс хатымен марапатталып, қоғам қайраткерлері Бакбергенов Досманбетов, Бекмырза Еламанов сөз сөйледі.

Іс-шара мерекелік концертке ұласты. Айта кетейік, соңғы жылдары Қармақшы ауданында игілікті жұмыстар жүзеге асуда. Индустрияландыру бағдарламасы аясында «Ақтөбе» ауылында «Қармақшы құс» фабрикасы іске қосылды. Жосалы кентінде «АНК-Дәулет» серіктестігі газоблоктар өндіретін зауыт құрылысын бастады. «Ақай», Дүр Онғар және «ІІІ Интернационал» ауылдарында 1,3 млрд теңгеге дене-шынықтыру кешендерінің құрылысы жүргізілуде. Биыл Жосалы кентіндегі жаңадан ашылған «Тәуелсіздік» ықшам ауданына газ желілері жеткізіледі.

Төретам кенті мен «Ақай» ауылы жақын күндері «көгілдір отынға» қосылады. Сондай-ақ, Дүр Онғар ауылына баратын газ желісінің құрылысы басталады. Мұның ықпалымен айналасындағы ауылдарды да газға қосуға мүмкіндік туады.

Облыс әкімінің баспасөз қызметі



Фотос: Аманжол Әбдіқалиев

Көктем жыры

Көктем келді, бақта құстар салды ән,
Жер түледі, көрпе оранып қалғыған.
Қызыл, жасыл гүлге толып кең далам,
Қол бұлғап тұр қыз-жігіттің алдынан.

Наурыз туды, келді баба дәстүрі,
Қариялардың еске түсті жастығы.
Қайта естілді жеңгелердің жымия,
«Еркетай» деп еркелеткен назды үні.

Шабандоздар көкпар сауып тартысқан,
Арқа қозып, айқайлаймыз әр тұстан.
Құралай көз мерген атып жамбыны,
Сом білектер боз кілемде қарпысқан.

Ақбоз үйлер сап түзепті тігілген,
Жастар әні жарық шашар іңірден.
Жылды осылай қарсы алады қазағым,
Саумал сауып, сары қымыз сімірген.

Тамсанамыз жеті түрлі дөміне,
Наурызкөже бойға қуат, дәрі ме?
Бүкіл дүние нұрланады бұл күні,
Бір өлеңнің құны жетпес бөріне!

Көктем келді, бақта құстар салды ән,
Жер түледі, көрпе оранып қалғыған...

Бауыржан ЕЛЕУСІНОВ,
ҚР Журналистер одағының мүшесі



/// СҰХБАТ

Аймақ мәдениетінің дамуында көптеген жаңа бастамалар жүзеге асырылып, өнер саласына қолдау артып келеді. Оның бір ғана көрінісі – заманауи үлгідегі мың орындық «Өнер орталығы» пайдалануға берілді. Облыстық филармония ұжымы және филармония жанынан құрылған өнер ұжымдары осы орталыққа орналасты. Олардың қатарында өткен жылы ашылған облыстық симфониялық оркестр де бар.

Бүгінде симфониялық оркестрдің шығармашылық аясы ұлғайып, гастрольдік сапарларға шыға бастады. Осы орайда оркестрдің көркемдік жетекшісі және бас дирижері, Қазақстанның еңбек сіңірген қайраткері, Мәдениет саласының үздігі Мүсілім Әмзәмен әңгімелескен едік.

ӨНЕР – ӨРКЕНИЕТ ӨЛШЕМІ

– Мүсілім Балтабайұлы, алдымен өзіңіз туралы, өнердегі бағытыңыз, шығармашылық жетістіктеріңіз туралы айтып өтсеңіз...

– Өзім – осы өңірдегі іргелі білім шаңырағы – Қазанғап атындағы Қызылорда музыкалық жоғары колледжінің түлегімін. 1995 жылы колледжді халық аспаптары бөлімінің домбыра және шекті аспаптар бөлімінің контрабас мамандығы бойынша бітіргеннен кейін, Құрманғазы атындағы Алматы мемлекеттік консерваториясында оқып, осы екі мамандықты қатар алып шықтым. Сонымен бірге, осы консерваторияда оқуымды жалғастырып, 2010 жылы Опера симфония дирижер» мамандығын алдым. Ал 2014 жылы магистратурасын бітіріп, Өнертану ғылымының магистрі атандым.

2008-2014 жылдары Алматыдағы А.Жұбанов атындағы симфония оркестрінің көркемдік жетекшісі және дирижері болып қызмет еттім. Бұдан кейінгі жылдары Қытай, Түркия, Израиль, Ресей, Германия, Жапония сияқты шет елдерде түрлі оркестр деңгейінде тәжірибеден өттім. Осының нәтижесінде музыкалық зерттеулер бойынша бірқатар шығармашылық еңбектерім жарыққа шықты.

– Облыстық симфониялық оркестр құрылғаны аймақ өнерінің дамуындағы жаңа бір белес десек болады. Жалпы симфония оркестрін құру жөнінде идея қайдан туындады?

– Облыста «Ақмешіт» фольклорлық ансамблі, «Томирис» би ансамблі, балаларға арналған театр бар, осы өнер ұжымдарының барлығының да бағыты маған алыс емес, сондықтан бірге талай жұмыс атқардық. Осындағы камералық оркестрмен бірнеше рет концертке қатыстым. Одан бөлек, «Сыр самалы» вокалды аспаптар ансамблі де бар. Сондай бір келген сапарымда КСРО Халық артисі Р.Бағланова атындағы республикалық конкурсын өткізу барысында концерт берген едік. Осы концертте «Сыр самалы» вокалды аспаптар ансамблі мен камералық оркестрді қосып, өнер көрсеттік. Өйткені Р.Бағланованың репертуарындағы әндердің барлығы дерлік эстрада симфония оркестріне жазылған.

Концерт өз деңгейінде өтті. Сол уақытта маған «эстрада симфония оркестрін құру қажет» деген ой келді. Облыстық филармония басшысы Талғат Мақашев бастаған азаматтар да бұл ұсынысымды қолдайтынын білдірген еді. Егер симфониялық

оркестр ашылған жағдайда осында көшіп келетінімді де жасырмадым. Бірақ көңілде күмән басым еді. Бұл идеямыз қолдау таба ма, жоқ па? Өйткені оған қыруар қаражат қажет.

Уақыт өте берді. Содан не керек, өткен жылы көктемде «симфониялық оркестрді ашу керек» деген хабар жетті. Сонымен облыс әкімінің қолдауымен жаңа оркестрді құруға байланысты жұмыстар басталды. Бұрынғы камералық оркестрдің базасында 20 штат бірлігі болатын, оған 30 штат бірлігін қосып, кәсіби музыканттармен толықтырып, оркестр ашылды. Дәлірек айтсақ, өткен жылдың 1 шілдесінде симфониялық оркестр толық құрамымен жұмысын бастады. Алдын ала уәде еткенімдей, өзім осында көшіп келдім. Оркестр құрамына ең бірінші болып өтініш жазып, одан әрі музыканттарды тыңдаудан өткізіп, кәсіби шеберлігіне қарай ұжымға қабылдадық. Осылайша жаңа өнер ұжымы жасакталды.

– Өнер ұжымы жергілікті музыканттардан жасакталған ба, әлде сырттан да мамандар шақырылды ма? Сонымен бірге, аспаптар, концерттік киімдер жағы жеткілікті ме? Концерттік залы қандай?

– Оркестр құрамында негізінен жергілікті музыканттар, оның ішінде осы Қазанғап атындағы музыкалық жоғары колледжінің мамандары. Бірі мұғалім, бірі шәкірт осы оркестрде



өнер көрсетеді. Сондай-ақ басқа жұмыс орнынан келген музыканттар да бар, бірақ олар да осы оқу орнының түлектері. Тіпті қазіргі оркестр құрамында музыкаға жаны құштар,

аспапта шебер ойнай алатын мектеп оқушылары да бар.

Көркем әрі сапалы концерттік киімдер алынды. Сонымен қатар еуропалық бренд қатарындағы ең танымал аспаптар сатып алынды. Олардың бағасы да өте жоғары. Қазір де жетіспейтін аспаптар бар. Соның бірі «валторна» деп аталады. Негізі, оркестрде төрт валторна болуы керек, бізде әзірге біреу, қалғанының орнына саксофонистер ойнайды. Сондай-ақ шекті аспаптардан әлі де скрипкалар қажет. Бірақ бұл мәселе бірте-бірте шешіледі. Уақыт өте келе жан-жақтан музыканттар да ағылып келуі мүмкін. Ол кезде музыканттарды кәсіби шеберлігіне қарай сұрыптап, ұжымды қайта жасактайтын боламыз. Ал қазір біз үшін ең бастысы – музыка өнеріне шын бағалған шығармашылық ұжымның еңбегін барынша насихаттау.

Өздеріңіз білесіздер, облыстық филармония жақында ашылған «Өнер орталығына» орналасты. Сонымен қатар, басқа да өнер саласына қарасты ұжымдар осы орталыққа шоғырланды. Оның ішінде филармония жанындағы екі оркестр де бар. Концерт залы жаңа үлгідегі талаптарға сай жабдықталған. Керемет зал.

– Оркестр құрылғалы қанша концерт берді? Солистер кімдер? Жалпы классикалық музыка өнерін көрермендер қалай қабылдады?

– Симфониялық оркестр құрылғалы 5 рет концерт бердік. Ал-

мамандарының еңбегі екенін атап өтуіміз керек.

Өзіңіз білесіз, Сыр өңірінде дәстүрлі өнер кең қанат жайған. Сонымен қатар, аймақ жұрты да өнерге жақын, өзіндік талғамы қалыптасқан деп айта аламыз. Осы тұрғыда көрермен қауым симфониялық оркестрдің өнерін де өте жылы қабылдап, ерекше қошемет білдірді.

– Өзіңіз айтып отырған жетіспейтін музыканттарды, аспапта ойнаушыларды осы музыкалық колледж базасында дайындауға мүмкіндік бар ма?

– Иә, әрине. Қазірдің өзінде облыстық филармония жанындағы Тұрмағанбет атындағы халық аспаптар оркестрінде, кешегі құрылған симфониялық оркестрде өнер көрсетіп жүрген жастар осы колледждің студенттері. Олар оқу орнында арнайы білім алса, оркестрлерде өнер көрсете жүріп, шеберлігін шыңдайды, тәжірибе жинақтайды. Симфониялық оркестр құрамындағылар алдымен үлкен аспаптар оркестрі, одан соң камералық оркестрде тәжірибеден өтеді. Қарап отырсақ, бұл біздің студенттеріміз үшін үлкен мүмкіндік. Мысалы, ертеңгі күні олар колледжді бітіріп, жоғары білім алуға Алматы, Астана қалаларына барғанда, кез келген оркестр құрамында еркін өнер көрсете алады.

Қазанғап атындағы жоғары музыкалық колледждің бүгінгі басшысы және симфониялық оркестрдің көркемдік жетекшісі ретінде оқыту мен тәжірибені тең ұстап отыру менің міндетім. Осы орайда колледждің сабақ кестесі оқытушылар мен білім алушылардың уақытына қарай үйлестіріліп жасалған. Қазір колледжде 200-дей маман болса, оның 180-і оқытушылар.

– Халық аспаптар оркестрі мен симфониялық оркестрдің бірлесіп өнер көрсетуі бұрын-соңды тәжірибеде бар ма?

– Негізінде, екі оркестрдің бағыты екі бөлек. Репертуар және аспаптар бойынша да үлкен айырмашылығы бар. Дегенмен бірге өнер көрсетуді осыдан оншақты жыл бұрын тәжірибемізге енгізген едік. Оның бір себебі, үлкен масштабта, яғни, ауқымы жоғары ұжыммен музыканың да екпінін, деңгейін көтеріп, көрерменге көңіл-күй сыйлау болатын. Расында, бір музыкалық шығарманы екі түрлі оркестрдің орындауында тыңдаудың өзіндік әсері бар. Ең бастысы, өнеріміз көрермен көңілінен шықты. Бұл – біз үшін зор қуаныш.

– Музыкалық колледжде жаңа ғимарат салынады деп жоспарланып отыр. Осы жөнінде айтып өтсеңіз...

– Иә, облыс әкімдігі «Саутс-Ойл» компаниясымен меморандумға отырып, қаланың сол жағалауынан жаңа ғимарат салуға келісім жасалды. Жақында құрылыстың іргетасы қаланады деп жоспарланып отыр. Осы орайда аймақ мәдениетінің дамуында айрықша орны бар, іргелі өнер шаңырағына жаңа ғимарат салынуына қолдау танытқан облыс әкімі Нұрлыбек Нәлібаева алғысымызды білдіреміз.

Жалпы осы кезеңде біздің өңірде мәдениет пен өнерге, руханиятқа ерекше жағдай жасалып отыр. Соған сай өнер ұжымдары да тынымсыз ізденіспен еңбек етіп, халыққа жоғары деңгейде қызмет көрсете білуі қажет деп ойлаймын. Қазірдің өзінде біз жаңа концерттік бағдарлама бойынша үлкен дайындық үстемдеміз. Қай кезде де өнердің байрағын биік ұстап, көрермен талғамына сай шынайы әрі сапалы дүниені ұсына білуіміз керек.

Әңгімелескен
Ғазиза ӘБІЛДА,
«Сыр бойы»



